



তথ্যবিবরণী

নম্বর-০৬০

শারদীয় দুর্গাপূজা উদযাপন উপলক্ষে আরএমপি'র আইনশৃঙ্খলা বিষয়ক মতবিনিময় সভা অনুষ্ঠিত

রাজশাহী; ২২ আশ্বিন (০৭ অক্টোবর):

রাজশাহী মহানগরীতে আসন্ন শারদীয় দুর্গাপূজা সুষ্ঠু, শান্তিপূর্ণ ও উৎসবমুখর পরিবেশে উদযাপনের লক্ষ্যে নিরাপত্তা, আইন-শৃঙ্খলা নিয়ন্ত্রণ ও ট্রাফিক ব্যবস্থাপনাসহ সার্বিক বিষয়ে মহানগরীর পূজা উদযাপন কমিটির নেতৃত্বদ্বন্দ্বিতা সংশ্লিষ্ট গণ্যমান্য ব্যক্তিদের সাথে রাজশাহী মেট্রোপলিটন পুলিশের (আরএমপি) আইনশৃঙ্খলা বিষয়ক মতবিনিময় সভা অনুষ্ঠিত হয়েছে।

আজ সোমবার (৭ অক্টোবর) বেলা সাড়ে ১১ টায় আরএমপি সদর দপ্তর কনফারেন্স রুমে এ সভা অনুষ্ঠিত হয়। সভায় সভাপতিত্ব করেন আরএমপি'র পুলিশ কমিশনার মোহাম্মদ আবু সুফিয়ান।

সভাপতির বক্তব্যে পুলিশ কমিশনার বলেন, দুর্গাপূজা সুষ্ঠু, শান্তিপূর্ণ ও উৎসবমুখর পরিবেশে উদযাপনের লক্ষ্যে প্রতিমা প্রস্তুতকালীন সময় থেকে প্রতিমা বিসর্জন পর্যন্ত আরএমপি'র পক্ষ থেকে সার্বিক নিরাপত্তামূলক ব্যবস্থা গ্রহণ করা হয়েছে। প্রতিমা বিসর্জনের দিন নৌ টহলের ব্যবস্থা করা হবে। পূজা মণ্ডপের উৎসবমুখর পরিবেশ যাতে বিনষ্ট না হয় সেজন্য জুয়া, হাউজিং, মাদকের বিরুদ্ধে অবস্থানের কথাও ব্যক্ত করেন তিনি।

কোনো গুজব যেন উৎসবকে পণ্ড করতে না পারে সে জন্য আরএমপি'র সিটিটিসি বিভাগ সোশ্যাল মিডিয়া মনিটরিং করছে মন্তব্য করে পুলিশ কমিশনার জানান, মসজিদ থেকে সম্প্রীতির বার্তা পৌঁছানোর জন্য ইসলামিক ফাউন্ডেশনকে অনুরোধ করা হয়েছে।

তিনি আরও বলেন, পূজা বিসর্জনের দিন রুট নির্ধারণ করা হবে যাতে নির্বিঘ্নে প্রতিমা বিসর্জন দিতে পারে। থানার অফিসার ইনচার্জগণকে পূজা কমিটির সাথে সার্বক্ষণিক যোগাযোগ রাখার নির্দেশ প্রদান করা হয়েছে এবং গোয়েন্দা নজরদারি বৃদ্ধি করা হয়েছে উল্লেখ করে তিনি গুজব প্রতিরোধসহ যেকোনো প্রয়োজনে আরএমপি হটলাইন নম্বরে (টেলিফোন: +৮৮০২৫৮৮৮০১৩৫১ অথবা মোবাইল: ০১৩২০০৬৩৯৯৯) তথ্য দিতে অনুরোধ জানান।

সভায় প্রতিটি পূজামণ্ডপের নিরাপত্তা নিশ্চিত করতে সিসি ক্যামেরা স্থাপন, পূজামণ্ডপগুলোতে নিজস্ব স্বেচ্ছাসেবক রাখা, বিভিন্ন রাজনৈতিক দল এবং বৈষম্যবিরোধী ছাত্র আন্দোলনের নেতৃত্বদের পক্ষ থেকে পরিচয়পত্রসহ স্বেচ্ছাসেবক দেওয়ার উপর গুরুত্বরোপ করা হয়। দুর্গাপূজায় সাম্প্রদায়িক সম্প্রীতি বজায় রাখতে এবং অপ্রীতিকর পরিস্থিতি প্রতিরোধে বৈষম্যবিরোধী ছাত্র আন্দোলনের নেতৃত্বদ্বন্দ্বিতা সংগঠনের নেতৃত্ব তাদের নিজেদের অবস্থান থেকে সহযোগিতা করার আশ্বাস প্রদান করেন। সভায় গত ২৪ সেপ্টেম্বর শারদীয় দুর্গোৎসব উদযাপন উপলক্ষে আরএমপি আয়োজিত মতবিনিময় সভার অগ্রগতি উপস্থাপন করা হয়।

অন্যান্যের মধ্যে অতিরিক্ত পুলিশ কমিশনার মো: রশীদুল হাসান ও মোহাম্মদ হেমায়েতুল ইসলামসহ আরএমপি'র উর্ধ্বতন অফিসারবৃন্দ, ডিজিএফআই, র‍্যাভ-৫, এনএসআই, আনসার ও ভিডিপি, ফায়ার সার্ভিস ও সিভিল ডিফেন্স, সিটি কর্পোরেশন, নেসকো লি., মাদকদ্রব্য নিয়ন্ত্রণ অধিদপ্তর এর প্রতিনিধিবৃন্দ, বিভিন্ন রাজনৈতিক ও বৈষম্যবিরোধী ছাত্র আন্দোলনের নেতৃত্বদ্বন্দ্বিতা সংগঠন সকল থানার অফিসার ইনচার্জগণ এবং রাজশাহী মহানগরীর বিভিন্ন পূজা উদযাপন কমিটি ও পূজা মণ্ডপের নেতৃত্বদ্বন্দ্বিতা সভায় উপস্থিত ছিলেন।

তৌহিদ/হালিম/২১:০০ঘ.